



TOSHKENT DAVLAT YURIDIK UNIVERSITETI REKTORINING B U Y R U G ' I

25.10.2022

250-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 2-kurs talabasi Abdusattorova Zarina Olim qizi universitet Odob-axloq kodeksi qoidalarini bilan tanishtirilgan, shuningdek, dekanat tomonidan ogohlantirish berilgan bo'lishiga qaramay dars mashg'uloti paytida "youtube" ijtimoiy tarmog'ida "Давай поженимся" ko'rsatuvini ko'rib o'tirganligi pedagog xodim tomonidan aniqlangan.

Talaba mazkur harakatlari bilan universitet Odob-axloq kodeksi 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iy taqiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) talablarini buzgan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 21-moddasi hamda universitetning Ichki tartib qoidalarini (ichki mehnat tartibi qoidalarini) 83-bandiga asosan

BUYURAMAN:

1. Universitet Odob-axloq kodeksi 21-moddasi talablarini buzganligi uchun universitetning Xalqaro huquq va qiyosiy huquqshunoslik fakulteti 2-kurs talabasi Abdusattorova Zarina Olim qiziga hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev,

D.Umarxanova, O.Babadjanov):

ushbu buyruq bilan universitet talabalarini tanishtirsin;
mazkur holat takror sodir etilsa, talabani talabalar safidan chetlashtirish
mumkinligi to‘g‘risida ogohlantirsin;
mazkur talabaning shaxsiy hujjatlar yig‘majildiga buyruq nusxasi tikilishini
ta’minlasin.

3. Mazkur buyruq bajarilishini nazorat qilish prorektor A.Hashimxonov
zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

